

嘉州志

一、五、八、十、月
广东省中山图书馆复制

萬州志卷七
前事畧

按周武王時儋耳入貢則不待秦始通中國可知矣春秋去夏商未遠孔子猶嘆祀宋之無徵矧茲海外窮荒天未殫丸之地問名山之記載則老成乏人考故府之譜牒則文獻不足而欲冥目馳思以追論千百世之上夸父逐日早知其無益矣且欲論太古也即宋元以迄於今曾幾何時而其事已半屬渺漠稽之而不敢信信矣而不敢傳君子於其所不知蓋闕如也紀事於萬姑從宋始有關於地之安危時之治亂者據事實而特書之宋以前不能考宋以後亦不能詳姑記其畧

宋 歷代

開寶四年辛未遣桂州道行營都部署潘美平南

漢盡有交廣珠崖之地

淳化四年癸巳萬安軍獻六眼龜

熙寧七年甲寅廢萬安州為萬安軍隸於瓊

建炎二年戊申安置故相提舉嵩山崇福宮李綱

於萬安軍

四年庚戌八月張浚承制安置其都統制曲端於

萬安軍

紹興六年丙辰廢萬安軍為萬寧縣以軍使兼知

縣事

十三年癸亥復萬安軍

二十二年壬申編管從政郎楊煒於萬安軍以書

責叅政李光言和議非便忤檜故貶

編管岳飛部下叅議官于鵬於萬安軍

乾道六年庚寅黎人王用休為亂權萬安軍事同

主管本路巡檢孫滋等招降之

淳熙初年多成三峯黎叛知軍趙絳乞師於瓊討

平之

二年乙未萬安軍黎蠻竊發經畧司選靈川令黃

疇若壽畫招捕事宜

四年丁酉冬南嶺王利學為亂有帥蓋文進率衆

拒之兵弱戰沒知軍湯鶯討黎平之

紹定初年修萬安軍城因時被黎寇修城為守始

甃以磚瓦其制廣袤不及百丈止於南面開一

明

端平元年甲午劉椿知萬安軍先紹定年間椿平

澄臨昌三處黎賊有威名至是買扶都峯諸黎

相率至瓊納款願隨土貢獻

景炎二年丁丑元兵徇廣州廣東諸郡多降

帝昺元年己卯十一月元將阿里海涯引兵次於

白沙口海南州縣皆降於元仍以為萬安軍隸

瓊

元

泰定元年甲子知軍楊漢傑修萬安軍公署

致和元年戊辰沅侍御史邱世傑於萬安軍

天歷元年己巳始僉鄉民為兵

至正三年癸未萬安賊吳興朝等聚眾三千人作亂

海南道宣慰司同知王英按部至萬討擒之
至正間陳子瑚作亂陷州城省王麗珠率義兵
討平之元帥陳安遠擬授萬寧縣主簿
以士官鄭寬攝州事因城小久圯乃重築增廣其
制砌石為之啟東西南三門
二十三年癸卯土寇符奴達陳俊甥等作亂標掠
居民陳子瑚弟有慶復聚眾攻城主簿王麗珠
舉兵捕之

明

洪武元年戊申平章廖永忠叅政朱亮祖以兵取
廣東路建置衛所分布要害
二年己酉改萬安軍為萬州屬廣東省瓊州府領
萬陵二縣

設稅課司於瓊州府收萬州文昌等處鈔課襍稅
元南建州知州王官子廷金結萬州王賢保作亂

攻州城海南分司統兵征剿尙首王麗珠隨領

義兵剿平之

三年庚戌議立民兵令所在官司率領操練備征

調

買扶多輝二都賊王志宣王宣受等作亂掠蓮塘

巡檢司遂陷州城永嘉侯朱亮祖剿平之

四年辛亥同知州事烏肅重修州治解字

七年甲寅所千戶劉才奏請重築州城開展其制

啟四門

二十九年丙子鷓鴣啼尙王得隆寇亂本衛指揮

石堅率儋州千戶徐真收捕之

永樂六年戊子知州戴彥則同知劉以敬重修儒

學於東門外故址增置饌堂神厨學門

七年己丑萬寧縣土官主簿王惠等率其耑耆來

朝

冬十月有白氣如虹直入天河十餘夜乃散

十一年癸巳二月百戶尹敬等追賊至獨洲洋陷

沒

永樂中土官王惠起黎兵引多輝溪水得一鼓長

三尺圍五尺面凸二寸沿邊皆蚪蚪擊之聲如

鵝鵲聞數十里

正統五年庚申省萬寧縣以其戶併於州止領陵

水

成化七年辛卯指揮李泰增築月城門樓

八年壬辰副使涂裴以學宮湫隘遷於萬寧縣學
舊基鼎建一新

署都指揮王燧委指揮李泰招撫鷓鴣啼太平等
六十七崗生黎巴旺巴島等五百八十七名歸
化

宏治十七年甲子黎寇猖獗殺督備指揮谷泰
正德元年丙寅冬雨雪

知州事余忠修儒林坊於學門外

七年壬申督撫以黎寇時出劫掠為患始奏令兵
備詹璽統官軍並駛黎等兵合五千四路征剿

立防海營於萬州

正德中州人織藤器細者曰織工白經黑緯凡人
物山水花卉之類各如式次者曰穿工粗經細

緯凡盤盂器皿之類各如式總兵派索無厭一
黎女以急織不成過限其父被謫遂憤縊死此
技遂絕戒不復習矣

嘉靖三年甲申七月颶風雨如刺挾風而來飄瓦
拔木壞牆屋傷木稼

五年丙戌地震是年地震三次

夏六月二十六日州治忽無故傾圮壓死七人

六年丁亥副使范嵩編多輝等九番民壯為黎兵

知州事俞大本差糧緝使王鑄招撫黎首狗王者

出賞以花紅酒米魚鹽等物自是地方少靖

七年戊子冬白氣如虹自西直入天河十餘夜乃

散

八年己丑大旱自春歷夏田禾枯焦秋淫雨有蝗

九年庚寅又旱

十七年戊戌七月海寇登新潭大掠擄去男婦十七口吏目姚汝勵所千戶周昂追至獨洲灣奪

回

十九年庚子大水溺死者數百人

隆慶元年丁卯始操練鄉兵

黎首那一復誘各崗黎為患時出沒劫掠

四年庚午知州事竺鳳翔重修州署增建川堂暨

迎賓館

五年辛未五月海寇李茂入境大掠直至城下兵

備副使史朝宜自郡督兵來剿敗之茂殺擄男

婦劫掠財物慘毒倍於常寇

六年壬申秋七月大颶風海水溢壞州治儒學時

七月二十二日颶風大作風中有火星散飛拔
木壞屋州廳倒塌壓死十餘人儒學聖殿學署
盡傾圮海水漲溢民溺水死者不可勝數

歲大饑

萬歷二年甲戌知州事李中孚重建州治廳事增

置東西耳房並倉舍數楹

三年乙亥春三月地震

知州事王一岳修州治儀門遷儒學於城內分司

後

四年丙子知州事王一岳率鄉兵殺黎八其巢先

是隆慶年間黎首那一復誘結羣黎時出劫掠

為患至是王一岳命鄉民王道行率兵潛入竹

根邨黎巢焚殺數十人地方始安

五年丁丑巡道舒大猷令同知楊繼文查點本州

鄉兵

十二年甲申城壕内生海菜又網得一魚頭如啄

木老鶴尾似江豚

十三年乙酉秋加道嶺崩民田數十畝陷成塘
十五年丁亥長田等黎出劫長沙營殺兵十餘人

知州吳道遠具報督撫委叅將王椿同知董志
毅訓導林立率兵三千餘剿敗之民始得安

十七年己丑大饑

二十二年甲午春地震按是年二月內午時地

震申時又大震其日未詳

二十六年戊戌黎寇溪北村鄉兵敗之時黎出北
方直抵溪北邨劫財物擄男婦十餘人鄉兵要

於路奪回所掠賊首被鄉民鄭二殺死餘賊斬

幾盡地方始寧

三十一 年癸卯秋地震 按八月二十三日未時

地震二十六日辰時又震

三十三 年乙巳夏地大震裂湧出水沙數尺五事屬

八十二

秋黑青見 有物黑色乘昏夜透隙櫻人至晚衆

明火執械擊金鼓防逐之決旬乃息

知州事茅一桂遷儒學於州右之廣積倉

建萬安書院 按新學建於州右茅一桂因分司

後學宮遺址立為書院

三十四 年丙午夏五色雲見西方踰時乃散時

四月二十七日也

冬十一月黎出東湧水口等邨大掠

三十六年戊申旱歲饑知州事辜志會捐俸濟饑民

兼勸富室施粥共濟之時斗米值銀一兩民

半饑死半流離

四十年壬子春黎賊抄掠烏石楊梅等邨把總曾

忠率兵敗之村民錢大利陳宗文等家男婦五

十餘口皆被擄曾忠帶兵追抵黎巢奪回後夏

五月兵勇捉獲賊首張何那進那長等解官司

正法

四十五年丁巳正月黎賊劫掠南橋等邨時正

月十五夜叔殺竹頭壩南橋等邨擄去邨民吳

元政家婦女二口林鵬同張思信追至大叢嶺

殺黎首那獻奪回人口

知州事林廷蘭修州治譙樓

四十六年戊午冬十月白氣如練長竟天時起

於東北直指西南形如大刀長數十丈自九月

閱十月始沒其占為蚩尤旗是年徵兵戍遼明

年二月四將之師皆沒

十二月黎寇番鳳等邨時射死鄉民張華嵩等

五人擄婦女十三口林鵬追捕奪回是二十日

事也

是月又寇大堀石頭寮南禮等邨時劫財物掠

人口被附黎鄉民於香根地方奪回是二十二

日事也

四十七年己未春正月黎寇加攝烏石茶根等邨

擄去三十餘人林鵬於土母地方奪回